

آبونه شهر اعلیٰ

داخلی، خارجی هریر ایچون
سنه لکی (۲۵۰)، آاقی آیلنی
(۱۳۰) غروشدور.

[نسخه سی ۵ فروش،
سنه لکی ۵۲ نسخه در،]
اداره خانه

باب عالی جاده سنده دائرة مخصوصه
اخطارات

آبونه بدلی پشیندر

مسالکه موافق آثار مع المنونیه
قبول اولنور. درج ایدله بن
یازیلر اعاده اولونماز.

الکتاب

دینی، فلسفی، علمی، ادبی هفته لقی مجموعه اسلامیه در

والله یهدی من یشاء الی صراط مستقیم
باش محرر محمد عاکف
صاحب و مدیر مسئول اشرف ادیب

اتبعون اهدکم سبیل الرشاد

عدد: ۳۸۳

۱۵ ربیع الاول ۱۳۳۷

پنجشنبه

۱۹ کانون اول ۱۳۳۴

جلد ۱۵

دخی احرار ایدنار اولمشدر . موقع وزارتہ صعود ایدن خرسیتانار
بک چوقدر .

بونار هب کوستریورکه خرسیتانلغک مسلمانلغہ شدتله اولدینی
قدر، هیچ بر زمان مسلمانلق نصرانیتہ بغض وعداوت ایتمامشد .
مسلمانلر، خرسیتانلرہ قتالقی ایتمکدن دیناً ممنوعدرلر .

اناطولی ده یشایان روملرله ارمیلر بونجه سنه دنیرو مسلمانلرله
بر آرمده یشادقاری حالده اسلاملردن هانکی قتالقی کورمشلردر ؟

موثوقاً بیلدیکمزہ کورہ — ایستانتیق موجبجه — اگر
ارمیلردن برقاج بیک نفوس تلف اولمش ایسه، ارمیلر، مسلمانلردن
سکزیوز بیک نفس ذکور واناک واطفال اوله رق قتل واحما ایتمشلردر .
بو حقایق ودقایق تدوین واوروپا و آمریکا متفکرینک سمع
اطلاعنه ایصال ایتمک، علما وفضلا ی اسلامیہ اوزرینہ فرض
وواجبدر . فرصت دوشدکجه بز بوبادہ کی معلومات عاجزانہ مری
بوجریده اسلامیہ ایله نشر ایدہ جکز انشالله .
س. م. ت

تراکیاده مظالم

تراکیا — پاشا ایل مدافہ میلق ریاستدن :

بولغارلرک تراکیاده کی تورک نفوسنی احما مقصدیلہ اوتہدن بری
تعقیب ایستکلری سیاست خونخوارانہ بی ترک ایتمکلرینی ایکی کون اول
یازمش و خبردار اوله بیلدیکمز وقایعی ده قید ایتمش ایدلر . اخیراً ینہ
مؤلم خبرلر آلدق . قرداشلرمرک، ردائت وشناقتی سنہ لرجہ تجربہ
ایدلرک آکلادیغمز او غدار اداره آلتندہ چککلری عذابی قبلرمن
صیزلایه رق دوشونیلورز . طالعسر مملکت ؛ نہ مدھش مظالمہ صحنہ
اولدی . بدبخت خلقا نہ مؤلم وجانخراش حادثات ایچندہ یوارلاندى .
تمام آلتی سنہ دن بری بوملکشدن، برکون بیلہ، برقرہ خبر ایشیدلہ دن
چکمدی . هر کون بر ویا برقاج دانه قرداشمن قانلی بیچاقلر آلتندہ
جان ویردی . الآن قولاقلمز هر کون اورادن کان آجی خبرلرله
طولو، قبلرمن المنا کدر . ایشته بوکون ینہ کوملجندہ دن، بولغارلق
نامنہ برقاج خدمتکار وجوباندن ماعدا هیچ بر موجودیت طانییان
بو تورک مملکتشدن ینہ اولہ فجیع خبرلر آلدق .

بولغار حکومتی مسلمانلرہ تعرض ایچون هیچ بروسیلہ بولہ مدینی
ویابولق ایچون یورولق ایستہ مدیکی زمان تراکیاده « برسلاح تحریری »
مشغلہ سی احداث ایدر . بووسیله ایله بویوک، کوچوک، قادین،
ارکک هرکسہ مدھش برطرزده اشکجه ایدیلور . اینہلر قیزیلر،
صندقلر آچیلر، ایبک مندیلر ایچندہ بیلہ سلاح تحریری ایدیلور .
بالطبع تحریری اولنان یردن بر جوق قیمتدار اشیا گاه علنی، گاه خفی
آشیریلور . جینندہ برقاج لیرایی بولنانلر بعضاً اولومدن تخلیص
کرییان ایدہ بیلورلر . او برقاج لیرایہ صاحب اولہ میان بیچارہ لہ
ایسہ یا اولوم حالنہ کلنجہ یہ قدر ضرب ویا قتل وافنا مقدردر .

تراکیاده سنہ ده برقاج دفعہ واقع اولان بوسلاح تحریری بهانہ سی
ایله ایقاج ایدیان جنایات، احما ایدیلان انسانلرک عددی بویوک بر
یکونہ بالغدر . بوبادہ بر فکر مخصوص ویرہ بیلیمک ایچون تراکیانک
یالکیز ایکی کویندہ اولدیریلان مسلمانلری ذکر ایتمککمزک کافی
اوله جنی ظنندہ یز : متلا داری درہ قضاسنک شاهین قریہ سندن سکسان
و آخی جایی قضاسنک یونس درہ قریہ سندن یکریمی طقوز کشی بویله
تحریرلندہ اولدوراشدر .

فضله ستون اشغال ایتمک ایچون شاهین قریہ سی قربانلرینک
اسامیسنی درج ایتمکدن صرف نظر و بولری ده یازدقلمزہ هیچ
کیمسہ نک شہرہ سی قالماق ایچون درج ایدیورز . ایستین هر هانکی
بیطرف برانسان بو اسامی بی تحقیق ایدہ بیلور . یالکیز ایکی کویده
اولدیریلان انسانلرک عدددن تراکیاده آلتی سنہ دنیرو تورک نفوسنک
نہ بویوک ضیاعلرہ معروض قالمش، نہ فجیع وقایع ایله قارشیشمش
اولدینی تظاہر ایدر . ایشته بو قییلدن اولق اوزرہ اخیراً بولغارلر
بر معتادینہ قوۃ عسکریرہ لری ایله کوملجندہ نک صالمانلی قریہ سی ایله
مرسلم و جلی باش کویاریخی صارارلر . کوییلردہ سلاح دکل،
کوچک بر بیچاق بیلہ قالمش اولدینی ایچون بالطبع کندیلرینہ ویرلہ جک
بر شی یوقدر .

بونی بولغارلردہ بیلورلر . فقط اشکجه ایتمش اولق ایچون طالب ایدیان
سلاحی ویرہ مہین اہالی ضرب وتضییق ایدیلور . صالمانلی قریہ سندن حسن اغا
اوغلی مصطفی اغادہ خلغک کوزلری اوکندہ شہید ایدیلور . مرسلم کوی اشرا
فندن خلیل اغانک مخدومی ده عسکرلر طرفدن اولدیرلک اوزرہ ایکن او
کویده بولنان یرسیویل بولغارلردن آلتش لیرایہ بر مارتن صاتون آلوب
بولغار عسکرلرینہ تسلیم وبوصورتلہ اولومدن تخلیص نفس ایدر .
جلی باش کوی اشراقندن حاجی صالح اوغلی حسینہ ایسہ عسکری
چاوشی « کویده کی اولرینی بکا ویررسہ ک سنی اولدیریم، دیمش، زواللی ده
حیاتی قورتارہ بیلیمک ایچون اولرینی ترک ایدہ رک چاوشہ تسلیم ایلشدر .
ایشته تراکیاده کی قرداشلرمن الآن یوقاریدن بری عرض ایتمک
ایستدیکمز وضعیتدہ یشامقدہ وکونا کون مظالم آلتندہ ازمکدہ درلر .
فقط بر جوق مسئلہ لردہ اولدینی کبی بوندہ ده بولغارلر ظلمک برملتی
محو وافنا ایدہ میہ جکی حقیقتی قفلرینہ چارقدن صوکرہ آکلایہ
جقلردر . چونکہ آلتی سنہ دن بری تطبیق ایستکلری ملعون سیاستدن
الہ ایستکلری نتیجہ تراکیاده تورک نفوسنی یوزده طقسان بشدن
سکسان بشہ تنزیل ایلکدن هبارت قالمشدر . بناء علیہ بز ویلسون
برنسیلرندن ینہ جوق یوکسک بر قوتلہ استفاده ایتمک حقنی حازر بولمقدہ یز .
بو اعتبار ایله بولغارلرک مظالمی انسان قانی آقیمقدن بشقہ بر نتیجہ
ویرمہ مش و بالعکس بولغارلر علیندہ هر یردہ و هر طرفدہ لایزال
بر نفرت و عداوت تحریک ایتمشدر .